



RELATÓRIU TRIMESTRÁL FUNDU MINA-RAI NIA

Trimestre ne’ebé termina iha 30 Setembru 2016

KOMUNIKADU IMPRENSA

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba trimestre ne’ebé termina iha loron 30 fulan Setembru tinan 2016. Relatoriu ne’e hatudu katak kapitál Fundu nian iha trimestre ikus ne’e mak billiaun US\$16,60 kompara ho billaun \$16,47 iha fim trimestre dahuluk.

Relatóriu ne’e mós hatudu katak total reseitas mak simu iha trimestre ne’e hamutuk miliaun \$35,58 ne’ebé kompostu husi kontribuisaun *kontribuinte* sira ba Fundu hamutuk miliaun \$16,20 no pagamentu *royalty* simu husi Autoridade Nasional Petróleo (ANP) miliaun \$19,38.

Rendimento husi investimentu Fundu nian ne’e hamutuk miliaun \$308 kompostu husi kupaun no jurus ne’ebé simu mak miliaun \$81 mudansa iha valór merkadu nian miliaun \$220 no movimentu cambiais mak millaun \$12 iha trimestre ne’e. Ne’e resulta rendimento ba carteira Fundu nian durante trimestre ne’e 1,89% enkuantu rendimento sasukat (*benchmark*) nian ba periodu ne’e mak 1,89%.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestau operasional Fundu Mina-Rai nian. Ministériu Finansas mak responsabliza atu estabelese estratéjia investimentu tomak kona-ba Fundu ne’e nian.

Banco Central de Timor-Leste jere ona portofoliu besik liu ho pontu referensia iha trimestre dala haat nulu resin lima dahuluk. Diferensia entre portofoliu no pontu referensia hahú husi inísiu fundus nian mak pontu baze 5 (0,05%).

Pontu importante husi Relatóriu Trimestre ba dala XLV, ne’ebé kobre períodu 01 fulan Julho tinan 2016 to’o loron 30 fulan Setembru tinan 2016, inklui:

- Kapitál Fundus nian mak billiaun \$16,60.
- Osan kontadu bruto fundus nian tama husi kontribuisaun *kontribuinte*, realeza (*royalties*) hamutuk millaun \$35,58.
- Osan kontadu líquidu ne’ebé sai husi Fundu durante trimestre ne’e hamutuk miliaun \$209,03, kompostu husi miliaun \$204,80 transfere ba Orsamentu Estadu no miliaun \$4,23 kobre kustus jestau nian.
- Reseitas líkidus durante trimestre ne’e hamutuk miliaun -\$169,22.
- Rendimento portofoliu iha periodu ne’e mak 1,89% kompara ho rendimento referensia mak 1,89%.
- Ministeriu Financias disidi atu habelar BCTL nia operaun hodi jere in-house mandatu ekidadi tamba ne’e mandate ekidade Australia implementa ho susesu iha inísiu fulan Julhu 2016.

Relatóriu trimestrál, lei Fundu Mina-Rai nian no mós Akordu Jestaun Operasional, disponivel iha portal Banku Central de Timor-Leste nian <https://www.bancocentral.tl>

Dili 04 Novembru 2016

Venancio Alves Maria
Diretor Ezekutivo
Jestaun Fundu Petróleo
Banco Central de Timor-Leste

BANCO CENTRAL DE TIMOR-LESTE

Avenida Bispo Medeiros
P.O.BOX 59 - DILI
TIMOR-LESTE

T: +670 331 371 2 / 4 / 5 / 8
F: +670 331 371 3 / 6 / 7
E: info(at)bancocentral.tl